



OPĆINSKO VIJEĆE

Broj:

Datum: 21.05.2019. godine

RTV BPK GORAŽDE

Informacija sa 19. redovne sjednice Općinskog vijeća Općine Foča

U petak, 17.05.2019. godine, Općinsko vijeće Općine Foča održalo je 19. redovnu sjednicu, a na istoj su razmatrane slijedeće tačke dnevnog reda:

1. Razmatranje i usvajanje zapisnika sa 18. redovne sjednice Općinskog vijeća
2. Vijećnička pitanja i inicijative
3. Izvještaj o izvršenju budžeta Općine Foča za period 01.01. - 31.12.2018. godine
4. Prijedlog Odluke o pokriću viška rashoda nad prihodima
5. Prijedlog Odluke o planu parcelacije
6. Prijedlog Odluke o davanju saglasnosti za kupovinu zemljišta
7. Prijedlog Odluke o imenovanju Organizacionog odbora manifestacije "Dani kulture, sporta i turizma Ustikoljansko ljeto 2019"
8. Prijedlozi Rješenja o prenosu prava posjeda i utvrđivanju prava vlasništva u korist Općine Foča:
 - a) Udruženje sportskih ribolovaca
 - b) Centar za socijalni rad Foča
 - c) MPI "Mlin" Ustikolina - stan Tadić Mileva
9. Izvještaj o ostvarivanju politike Općinskog načelnika za 2018. godinu.

Na početku 19. redovnog zasjedanja Općinskog vijeća Općine Foča predloženi dnevni red je dopunjen nakon što su prihvaćeni prijedlozi Općinskog načelnika Zijada Kunovca da se u dnevni red uvrsti:

- Prijedlog Odluke o davanju odobrenja za izvođenje istražnih radova za izgradnju Hidroelektrane Ustikolina,
- Provođenje postupka javnog nadmetanja - licitacije:
 - a) Prijedlog Odluke o načinu i uslovima prodaje nekretnina u vlasništvu Općine Foča - putem javnog nadmetanja - licitacije,
 - b) Prijedlog Odluke o formiranju i imenovanju članova Komisije za provođenje javnog nadmetanja - licitacije
- Prijedlozi Odluka o utvrđivanju statusa napuštenog dijela javne ceste:
 - a) za k.č. 1070/2 ukupne površine 10m², K.o Ustikolina
 - b) za k.č. 1070/3 ukupne površine 46 m², K.o Ustikolina

Nakon razmatranja i usvajanja zapisnika sa 18. (osamnaeste) redovne sjednice Općinskog vijeća uslijedila su vijećnička pitanja i inicijative.

Općinsko vijeće Općine Foča usvojilo je Prijedlog Odluke o davanju odobrenja za izvođenje istražnih radova za izgradnju Hidroelektrane Ustikolina.

U nastavku sjednicu razmatran je Izvještaj o izvršenju Budžeta za period 01.01. - 31.12.2018. godine, te isti nije usvojen.

Prijedlog Odluke o pokriću viška rashoda nad prihodima takođe nije dobio potrebnu većinu glasova Općinskog vijeća.

Vijećnici Općinskog vijeća su razmatrali i usvojili Provođenje postupka javnog nadmetanja - licitacije :

- a) Prijedlog Odluke o načinu i uslovima prodaje nekretnina u vlasništvu Općine Foča - putem javnog nadmetanja - licitacije
- b) Prijedlog Odluke o formiranju i imenovanju članova Komisije za provođenje javnog nadmetanja - licitacije

U nastavku sjednice većinom glasova su usvojeni Prijedlozi Odluka o utvrđivanju statusa napuštenog dijela javne ceste:

- a) za k.č. 1070/2 ukupne površine 10m², K.o. Ustikolina
- b) za k.č. 1070/3 ukupne površine 46m², K.o. Ustikolina

Vijeće je usvojilo i Prijedlog Odluke o planu parcelacije, a zatim i Prijedlog odluke o davanju saglasnosti za kupovinu zemljišta.

Nakon razmatranja, takođe je većinom glasova usvojen i Prijedlog Odluke o imenovanju Organizacionog odbora manifestacije "Dani kulture, sporta i turizma Ustikoljansko ljeto 2019"

U okviru posljednje tačke dnevnog reda Izvještaj o ostvarivanju politike Općinskog načelnika za 2018. godinu, predlagač je izvjestio vijećnike o provedenim poslovima i aktivnostima u prethodnoj godini i o finansijskoj situaciji Općine uzimajući u kontekst vrijeme i okolnosti, izazove i prilike koje su bile pred svima nama u prethodnom periodu. Navedeni Izvještaj nije dobio potrebnu većinu glasova.

